



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

№ 33-Լ

«11» ապրիլի 2024 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐԻ 2020 ԹՎԱԿԱՆԻ ՄԱՅԻՍԻ 18-Ի N 23-Լ
ՀՐԱՄԱՆՈՒՄ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ ԿԱՏԱՐԵԼՈՒ ԵՎ 2023
ԹՎԱԿԱՆԻ ՄԱՅԻՍԻ 26-Ի N 25-Լ ԵՎ 2024 ԹՎԱԿԱՆԻ ՀՈՒՆՎԱՐԻ 31-Ի N 03-Լ
ՀՐԱՄԱՆՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով, 37-րդ հոդվածի 1-ին մասով և հիմք ընդունելով Հայաստանի Հանրապետության վարչապետի 2019 թվականի հունիսի 1-ի թիվ 661-Լ որոշման հավելվածի 19-րդ կետի 7-րդ ենթակետը՝

Հ Ր Ա Մ Ա Յ ՈՒ Մ Ե Մ`

1. Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մայիսի 18-ի «Հայաստանի Հանրապետության կրթության, գիտության, մշակույթի և սպորտի նախարարության մշակութային ժառանգության և ժողովրդական արհեստների վարչության, պատմության և մշակույթի հուշարձանների պահպանության վարչության կանոնադրությունները հաստատելու ու Հայաստանի Հանրապետության կրթության, գիտության, մշակույթի և սպորտի նախարարի 2019 թվականին հունիսի 11-ի N 25-Լ հրամանն ուժը կորցրած ճանաչելու մասին» N 23-Լ հրամանի հավելվածում (այսուհետ՝ Հավելված) պատմության և մշակույթի հուշարձանների պահպանության վարչության կառուցվածքում կատարել հետևյալ կառուցվածքային փոփոխությունը.

1) ստեղծել նոր բաժին՝

«Հուշարձանների հաշվառման կադաստրային բաժին».

2) Հավելվածի 7-րդ կետը շարադրել նոր խմբագրությամբ՝

«7. Վարչության կառուցվածքում ընդգրկվում են հետևյալ բաժինները.

- 1) Հուշարձանների ու պատմական միջավայրի պահպանության և օգտագործման բաժինը,
- 2) Հուշարձանների վերականգնման բաժինը,
- 3) Հուշարձանների պահպանության տարածքային գործունեության համակարգման բաժինը,
- 4) Հուշարձանների հաշվառման կադաստրային բաժին:».

3) Հավելվածի 9-րդ կետի 9-րդ ենթակետը ուժը կորցրած ճանաչել.

4) Հավելվածի 11-րդ կետից հետո լրացնել նոր «11.1.» կետ՝

«11.1. Հուշարձանների հաշվառման կադաստրային բաժնի գործառույթներն են՝

1) հավաքագրում, հաշվառում և դասակարգում է հուշարձանների մասին սկզբնական տվյալները և ցուցանիշները,

2) մուտքագրում է սկզբնական հաշվառման նյութերը և ցուցանիշները հուշարձանների պետական կադաստրի գրանցամատյաններում և հուշարձանների անձնագրերում,

3) ձևավորում է հուշարձանների վերաբերյալ սկզբնական հաշվառման տվյալների և ցուցանիշների (տեքստային նյութեր, աղյուսակներ, քարտեզագրական և գրաֆիկական այլ նյութեր) էլեկտրոնային տարբերակները՝ տեղեկությունների պահպանման և փոխանակման միասնական ցանցի և ծրագրային ապահովման շրջանակներում,

4) սահմանված կարգով վարում է հուշարձանների պետական հաշվառումը (կադաստրի) և շտեմարանները, ինչպես նաև ապահովում է հուշարձանների մասին տեղեկատվության մատչելիությունը,

5) իրականացնում է հուշարձանների ընթացիկ հաշվառումը, ինչը ներառում է հուշարձանների պետական կադաստրի գրանցամատյաններում, հուշարձանների անձնագրերում և տվյալների շտեմարանում ներառված տեղեկությունների թարմացումը՝ դրանց հավաստիությունը և արդիականությունն ապահովելու նպատակով,

6) սահմանված կարգով տրամադրում է հուշարձանների վերաբերյալ տեղեկություններ,

7) համակարգում է հուշարձանների տարածքների պետական գրանցման գործընթացի և անշարժ գույքի նկատմամբ պետական իրավունքների գրանցման վկայականների ձեռքբերման աշխատանքները,

8) սահմանված կարգով քննարկում է քաղաքացիների նամակները (դիմումներ, բողոքներ և այլն) ինչպես նաև առաջարկում լուծումներ դրանցում բարձրացված հարցերի վերաբերյալ,

9) իրականացնում է օրենսդրությամբ Վարչությանը վերապահված այլ գործառույթներ»:

2. Ուժը կորցրած ճանաչել Հայաստանի Հանրապետության կրթության, գիտության, մշակույթի և սպորտի նախարարի 2023 թվականի մայիսի 26-ի և 2024 թվականի հունվարի 31-ի «Հայաստանի Հանրապետության կրթության, գիտության, մշակույթի և սպորտի նախարարի 2020 թվականին մայիսի 18-ի N 23-Լ հրամանում փոփոխություններ կատարելու մասին» N 25-Լ և N 03-Լ հրամանները:

ՆԱԽԱՐԱՐ՝

Ժ. ԱՆԴՐԵԱՍՅԱՆ

X
